

卷十五

傳一 名宦 名賢

卷十六

傳二 文儒

榮河縣志

趙書麟題



榮河縣志卷十五

傳一

名宦

漢

丁邯字叔春京兆陽陵人有高節正直不撓建武初舉孝廉不肯
爲尙書郎後拜汾陰令治有名跡遷漢中太守

北周

柳帶韋解人深沉有度爲邑令發奸摘伏如神民皆畏服後以功
進爵爲公諡愷祀名宦

金

吳鑄長春人大定三年知縣事撫民有方處事有法蝗不入境旱

禱卽雨民刻石頌之祀名宦

元

靳用爲尹有聲周從善爲作去思碑

明

施原洪武中爲令勤勞民事建立祀壇廨舍規制一新

馬復禮洪武中爲縣丞建治學宮廨廟佐政裕如

馬遜山東臨清監生成化中爲令勤政恤民修舉廢墜陞太原府

通判

喬瓚慶陽監生正德中爲訓導訓誨有方士風丕振

高騰河南臨潁舉人宏治四年知縣事政平訟理修理學宮士民懷焉

張讓山東諸城進士嘉靖八年知縣事守正不阿遇事能擔荷凜乎有正直風與時不合浩然解組民遮道泣留後復官南京太僕寺丞祀名宦

侯祁山東鄆城進士嘉靖三十五年自深澤縣調邑令邑當地震後經理籌畫選兵飭武禁暴安民一切營繕修復如制建大寧

書院集師儒其中時親誨之陞兵部主事

馬安陝西武功監生嘉靖中爲邑令有所興建民便之

唐緒山東曲阜監生嘉靖中爲邑令頗事振刷疲俗賴以起焉

徐騰浙江崇德舉人嘉靖間知縣事興理有方不爲因循苟且之政

張麟陝西靈台監生嘉靖間爲邑丞清操自持佐治不苟

陳宏山東莒州監生嘉靖中爲邑教諭學優行端士人信服

楊守教陝西高陵舉人嘉靖中爲邑教諭剛正不阿崇耻黜浮捐

俸鑄學宮祭器有功祀事陞大寧縣知縣

梅煥直隸遵化舉人萬歷間知縣事政平民和尤以興文教爲已任

王可久河南安陽舉人萬歷間任邑令介然自持人共服其清正曹倌南直望江舉人萬歷間任邑令心慈政和旱輒籲天泣禱終夜露伏于庭每有應焉

張應暉陝西隴西歲貢生萬歷中爲邑令久任積勞民瘼無隱楊尙寬直隸良鄉選貢萬歷間知縣事愛民理事有循良風王立本直隸灤州歲貢生萬歷中爲邑令事簡刑清邑民安之田有年陝西扶風舉人萬歷間知縣事爲政仁慈百姓有甘棠之

愛

趙以莊河南河內監生萬歷中爲邑丞催徵法善幹理才優在任九年多惠政陞鎮原知縣

向上陝西平利歲貢生萬歷中爲邑丞清操雅度愛民如子爲鄰尹中傷人共惜之

毛墀河南中牟舉人萬歷中爲邑教諭才清養粹訓士有方陞鞏昌府通判

高之儒直隸阜城舉人天啟中爲邑令刻意圖治潔己愛民

倪秉誠直隸阜城舉人崇禎間知縣事清介寬和實心愛民循聲

不著

陳萬化福建閩縣歲貢生崇禎中爲邑令政刑清肅閭里帖然

曹自省陝西涇陽歲貢生崇禎中爲邑令懲奸去蠹境內肅清

李從繩河南禹州舉人崇禎中爲邑令清介自矢雅意作人士氣以振

張相漢山東新泰歲貢生崇禎中爲邑令剛正自持良民賴以安堵

清

黃家宰陝西靖邊所選貢生順治四年知縣事勞心撫字清操不

榮江縣志 卷之三
四
染士民視若慈母

張錫文字康侯江南江都選貢生順治十六年知縣事榮民加協濟蒲州驛馬每年所費甚鉅公極力申請得免又應風陵渡弓兵十五名公請解工食銀得免應役尤好汲引士類修舉廢墜甚多陞邠州知州

陳觀聖字幼以湖廣武陵進士康熙二年知縣事催科不擾逃亡盡復涉訟者原告自拘審明立遣井里晏然卒歲不見胥役

李長庚號宏菴奉天遼陽舉人康熙十二年知縣事署中一應所需悉如直償民催科寬限民自如期辦納訟則原告自攝剖晰

公明修縣志頗有裒集功

楊令琢甯都州舉人剛毅有爲所至多政聲乾隆間知縣事修邑乘建譙樓諸廢畢舉榮民至今頌之

熊耳源字泊泉江右舉人乾隆間知縣事邑有三鳳等書院久廢公卜城東官地一區誅茅築室爲講學地籌經費立規條延師課徒文風丕振士人咸樂道不置云

鄭賜圖字伊溪由選拔知縣事邑濱大河灘地出沒無常榮與韓民爭壤久不決公蒞任後極力籌畫界始定書院創自熊泊泉閱百餘年墻宇頽圯公重修之捐廉若干兩紳民爲建生祠數

處

王有壬浙江海寧州拔貢道光十年知縣事刑清政簡視民如子
每聽訟反覆開導當堂立結絕無波及累邑故協濟永濟兵差
車馬每受其虐公率里民應役弁兵橫肆公執羈再三慰勞令
無鞭箠小民邑人愛之若父母然

周國頤字樂天四川舉人性慈祥嘗聽訟終日不答一人獄有難
反者輒泣不能聲精岐黃公餘爲民療疾雖絡繹奔赴弗厭也
在任三年民間有慈母之誦

卓熙泰廣西舉人剛正廉明嫉惡如仇有訟師某工刀筆公聞立

拘咎幾斃先是民間少婦自盡母家率衆蹂躪忝不爲怪公立
矯之刁風爲之一變去之日父老攀轅遮道馬幾不前

張貞輝咸豐三年署城守營篆八月間捻匪陷曲沃屠平陽合邑
震動初八日夜忽有弁兵數百駐南關店人惶恐公邀縣令某
往探令給公先公曰某固知公怯也如不肯往令衙役隨營兵
後以壯軍威可乎令急諾之公抵南關伏役店外帶兵細詢則
同州巡船卒也公廣爲布告人心稍安

陶汝霖字商巖江蘇進士精明果決裕應變才同治元年十二月
初五日有逃兵數千騎自邵陽竊渡公聞馳往至則戈矛森立

見公來欲兵之公屹不爲動以無檄直責且給曰我地練勇甚多爾輩慎勿啟釁歸堅閉四門令民夫嬰城固守獨禦南門外遣其子某禦西門兵至欲入弗許強之厲聲曰陶某頭可斫此城斷不容入也衆氣懾自城外邈迤而北歷榮境鮮有肆其猖狂者

馬鑑廣西進士光緒四年知縣事時值大祲之後戶口蕭條公還定安集多方拯救又以榮邑糧差舊規按里甲分徵輪支累民頗鉅往往有傾家蕩產之虞乃力請上憲革除里甲當門戶名目創設清徭局定章程令差徭按糧均攤田賦歸莊分收多年

積弊遂永滌除民甚便之

董餘三直隸進士廉潔恬靜熱心文教汾陰書院舊無膏火公署理時慷慨籌措以署內應得之欸六成提出一成撥歸書院藉以獎給優秀之士從此文風丕振士民頌之

楊家棟雲南進士折獄明敏曲當人情光緒二十五六年間歲荐饑調知縣事至則毅然以救民自任核計戶口發倉散粟復請上憲撥欸賑濟備陳苦狀情詞悱惻上憲爲之心動批曰榮民有此賢父母庶無憂矣着卽發帑六千金俾資救濟以故數萬災民無餓殍之患者公之力也旋以積勞成疾卒於任所貧無

以殮鄉民感其德醵金賻助奔走哭祭衙署幾不能容

章同字覲瀛湖南長沙人精明幹練善折獄尤嘉惠士林光緒末停科舉立學堂公籌集鉅資擴充改建以故士風丕振至今人不能忘

俞安之字吉甫安徽人才具優長天資溫厚爲政喜寬大不尙嚴苛雖無赫赫之功而兩次蒞榮人民親愛如見慈父母云

計登瀛字勤生陝西富平進士光緒甲辰自太谷調知縣事愛民禮士政教寬平藹然有儒吏風懲辦會匪尤極矜慎詳詰精察不事株連後調升曲沃去任時紳商吏民攀轅祖餞者絡繹不

絕

朱琨字嘉平江西舉人光緒三十二年署理榮河縣事下車伊始卽以爲民除害爲志徧訪慣走衙署顛倒是非之劣紳而嚴拒之嘗謂人曰如因公務卽田夫野老亦可以來署如因私干謁雖貴紳大矜當揮斥于門外以此疾惡太嚴怨言四出飛語中傷被上官撤職民多惜之

民國

秦汝梅字和卿永濟舉人民國初元知縣事時際改革事務紛紜民多艱苦公敷政和平遇事勤慎與民休息人皆稱爲長者

程桂芬字芳圃浙江舉人民國三年知縣事裁冗費緝盜賊尤能認真訟獄隨到隨結民甚便之

曾廣欽字子敬河南許昌人民國十年知縣事時值榮津韓三縣灘地案起公躬履鉅艱堅忍果毅晝夜擘畫文電交馳歷時更歲卒以晉六秦四協定和約民賴以安又以榮河舊城淪于河水呈請上峯撥款另築新城于今治並建設孔廟關岳廟公署及各機關任勞任怨不愧幹濟之材云

郭象蒙字春泉晉城人西學專齋畢業民國十四年知縣事居心仁厚禮賢敬士補葺城牆倡修邑乘採訪甫竣卽調任他去此